

營山縣志卷二

輿地志

天下大一統也

聖德覃敷中外視福山陬海澨並隸版圖懿爍乎一代
之隆軌也營邑昔隸巴國今屬果郡雙蓬聳秀九
曲流泉前擁翠屏琵琶之餘音宛在後排雲鳳芙
蓉之曉日常新東踣龍寶之雄儼成天塹西蹲封
竇之險若倚長城斯誠據一邑之勝矣迄今周覽
輿圖村舍雲連桑麻野沃慶安恬而歌樂土者洵

營山縣志

卷二

輿地

足昭莫麗之鴻規而慎固封守之意亦於是寓焉

志輿地

營山縣志卷之二

輿地志

疆域

在布政司東北八百里順慶府東北一百八十里
東西距九十里南北距一百八十里東至渠縣界
六十里西至蓬州界三十里南至渠縣界八十里
北至儀隴縣界一百里東南至渠縣界六十里西
南至蓬州界三十里東北至保甯府巴州界二百
里西北至蓬州界五十里自西南至東北二百二

營山縣志

卷之二輿地

疆域 二

十里自東南至西北一百一十里

建置沿革

禹貢 梁山之域巴志禹治水命州

周 雍州巴志武王克商實得巴蜀之師得天下後省梁合雍封宗如于巴

春秋 巴國郎今巴州賓城屬巴營邑實為賓地今渠邑有賓城廢縣

秦 巴郡惠文王時廢國置郡

漢 宕渠縣高帝時改雍曰涼草梁山益巴郡屬益州置宕渠縣屬巴郡

按宕渠實合今渠縣廣安大竹隣水為一縣舊唐書載治在長樂山長安三年移治羅獲水羅獲水今無考今之消水河流經良山縣東二里經宕渠縣西四十里蓬山縣東十五里流注流江下流至

七曲滙在今縣東六十里是羅獲水疑
即在消水河之間或古今稱名不同歟

後漢 岩渠縣 案宇記縣在蓬州東

按渠邑有岩渠故城即北岩渠郡地南充有岩渠
城即南岩渠郡地營山有岩渠故縣即舊址也

晉 岩渠縣 屬岩渠郡後漢延熙中置郡
旋省永興九年李雄復置郡

梁 岩渠縣 屬岩渠郡

相如縣 天監六年析岩渠地合今蓬州地為
一縣以司馬長卿故宅各屬梓潼隆

城二郡案宇記縣在
蓬州東八十五里

按梓潼故城在相如縣西二十五里隆城
在儀隴縣北相如縣在蓬營界雲山岩側

安固縣 大通中析岩渠縣置屬伏虞郡
案宇記縣在蓬州東七十二里

營山縣志

卷之二輿地 建置沿革三

綏安縣 大同中析岩渠縣置屬景陽郡
案宇記縣在蓬州東南九十里

景陽郡 以縣山名大清中置綏
安相如岩渠悉屬焉

北周 蓬州 天和中以
縣地置

隋 蓬州 開皇中景陽郡岩渠郡廢綏
安安固岩渠相如悉屬蓬州

清化郡 大業初蓬州廢安固縣相如縣
綏安縣岩渠縣俱改屬清化郡

按清化郡今巴州地在巴西西北六十
里本漢葭萌縣地今有清化廢城

唐 岩渠縣 咸安縣 大業初綏安縣改
各咸安屬岩渠郡

唐 岩渠縣 武德元年復置蓬州岩渠改屬寶
歷元年縣併入蓬山大中中復置

朗池縣 武德四年析相如縣置以臨古朗池
各屬果州寶歷元年割屬蓬州旋省

城池

唐貞元元年始移朗池縣於營山

按營山在治西南一里如營壘然故名朗池燬於賊權設行縣於歇馬館即今治

宋四川制置使余玠築土城以禦蜀寇

明洪武中知縣于紹修建城池

天順中典史黃讓修葺邑城

讓以御史謫典史時成都德陽縣趙鐸為亂標掠州縣讓令民編木為柵以禦之

成化中知縣李琳去木柵築土為城

正德五年都御史林俊檄本府推官宋會度督建

營山縣志

卷之二輿地

城池

五

邑城三年土人鄢本恕藍廷瑞倡眾為亂繞城去林俊移檄繕修城池發帑金四百七十兩委

宋督建知縣韋廷理陳猷相繼經修

九年冬十二月知縣嚴傑竣城工

是年鄢藍賊至城陷知縣嚴傑繼修始報竣周城覆瓦屋四百餘間規模始備

嘉靖八年知縣金汝礪改建城池

時大足縣妖賊蔡伯貫作亂屠陷川東都御史劉自強命郡邑通行增築汝礪乃砌石增三百一十丈六尺瓦屋雉堞視昔倍之內通馬道外浚城壕改南門於縣前改北門東向民勞不怨四境自安

天啟五年程宗玉改東門於城南

因東門直泄不利科名與邑士議改即今之市

崇正七年典史謝復與派糧脩城

是年三月十二日流賊大至營堞不完守具無備幸官民協心調度得宜賊圍不克圍解自五月至七月淫雨不止城圯復興乃照糧派築制高一丈上增腰牆加堞口清馬道蓋營棚自後可守可禦可巡者實式賴之

十五年邑紳陳周政捐資脩城

是年流寇姚天動黃龍率其黨攻陷城池淫雨大作城垣傾圮倉卒之間資費不繼周政分派街民男婦老幼晝夜修築每丈貸銀二兩以給工作事甫畢而寇逼門庭矣

國朝康熙六年知縣胡印瑞復修城池

七年知縣毛鳴岐修城樓四座

營山縣志

卷之二輿地

城池

明末之亂邑士守城十餘年偽官相繼皆不得展後城圯不能復修乃以靈鷲寨為治康熙四年奉憲檄復城六年始自寨歸城百務未就七年鳴岐銳志修城以歲歉不果僅修城樓四東曰東秩南曰覽秀西曰西成北曰臨清

四十四年知縣張玉璘補修城池建樓七

時城垣傾圮玉璘補修有之實錄未必紀實也

乾隆六年知縣李榕捐修東門

東門欹裂往來行人大有壓覆之虞榕詳請捐修

嘉慶元年知縣俞廷舉派築城上土牆以作城堞

時承平日久城垣傾圮濠池無存是年九月達州賊匪作亂警報至廷舉派通城舖民於家宅後按

段增築
土牆

二年知縣謝惟良派眾浚濠

十月賊圍解後惟良派令士民出城浚濠寬一丈深一丈

四年知縣謝惟良重修東南城樓

三年八月城遭回祿幾盡二門城樓燬惟良重建

按通志載邑城高一丈周四里九分計八百八十二丈池廣一丈現在月報周五百四十九丈東南北均高一丈西垣埠高八九尺不等近經丈量屬實其通志所載未可據也

城樓七

東東秩

西西成

張玉璘改惠遠

南覽秀

營山縣志

卷之二

輿地

城池

七

比臨清

舊東門樓為文昌閣

西北隅樓為奎星閣

舊北門樓為鐘鼓樓

咸豐九年知縣劉英選建議重修取石於城北之

天印山緣距城甚遠難以運石爰疏泉築堰以通

舟楫工未及半旋去

十年知縣濮文昇接修城垣周圍浚濠城樓四座

奎星樓二層炮臺十二座自庚申至同治乙丑工

始竣事詳碑記附藝文

公署

縣署

明洪武中知縣于紹創建

時城邑邱墟官廨瓦礫紹始鋤
茅芟棘城郭宮室次第改觀

正德九年知縣嚴傑重修

鄂藍之亂公署市廛悉為灰燼時治東延壽寺僧
違法事覺巡按馬公檄令燬之傑遣壯丁刻期拆
毀板木磚瓦之屬運充其用發金質
材庀工啟土公署察院制度悉備

國朝康熙六年知縣胡印瑞自靈鷲寨移治歸城

七年知縣毛鳴岐重修

營山縣志

卷之二輿地

公署

八

順治初城燬於賊遂以靈鷲為治官署粗備至
是印瑞奉檄歸城未幾卒鳴岐訪舊址建造

聖諭坊一座

儀門三間

大堂三間

抱廳三間

堂後通亭一所

二堂三間

正樓三間

以上俱胡印瑞建

鼓樓前應宿親民牌坊一座 屏牆一座

鼓樓大門一座

甃石圈砌為臺高一丈樓二級
命日擁翠額懸聲教二字今廢

旌善廳三間

樓左
今廢

申明廳三間

樓右
今廢

迎賓館三間

即衙
神祠

左右廂樓各二間

今廢

以上俱毛鳴岐建

二十二年知縣李天培奉頒

御書清慎勤製匾懸於縣堂

三十四年知縣高鈺增修內署

二堂東退食堂三間 書房三間

署後愛蓮亭一座 宅西菜根亭四間

乾隆四十六年知縣王紱疆建修頭門

拆毀鼓樓石砌砌八字石牆及階梯甬道另修頭門三間

四十九年知縣王紱疆捐廉補修

營山縣志

卷之二輿地 公署 九

五十六年知縣金玉督同書吏重修吏書八房

儒學教諭署在文廟左咸豐四年知縣陸為柄改建

大門一座 明倫堂五間

正廳五間 左右廂房各三間

書辦房三間 客廳房二間

廚房一間

儒學訓導署在宮牆側

大門一座 前廳五間

正廳五間 左廂房二間

典史廳原係主簿廳在縣治左明末主簿裁康熙六年典史梁宏亮即舊址改建

屏牆一座 大門一間嘉慶八年典史胡得慶捐廉修

大廳三間 左右書房各一間

左右書役房各二間 廳後過亭一間

正宅三間 左書房三間

東書房二間典史胡得慶捐廉修 後廚房二間

把總駐防廳西門內知縣張玉璘建

大門一間 大廳三間

住宅三間 廚房二間

營山縣志 卷之二輿地 公署 十

演武廳

軍器局 火藥局

常監倉十二間舊志載大門內左右常平倉各二間繼又增修常平倉左右各二間內署

西偏採買各倉二所共十間積貯例監捐穀倉三十間後知縣王紱疆任內修理衙署遂漸次拆毀

一重農積粟等事案內存貯捐輸倉穀四百七十石二合五勺

一積貯天下本計等事案內貯捐監倉斗穀八百石請停松潘等事案內貯捐監倉斗穀一千四十

零石

一欽奉

上諭事案內存貯捐監倉倉斗穀一千九百三十九石

九斗九升 七合五勺

共穀四千二百五十石

又貯籍田穀五十三石一斗七升七合四勺

嘉慶二年四月奉文派碾巴州劉坪糧臺軍米一千石動碾常平倉斗穀二千石嗣於嘉慶十一年奉文赴司領銀買補足額

社倉五十間 置奎星樓前嘉慶十三年知縣劉毓燠奉文勸捐士民具呈願歸城中修建按

糧派捐修倉五十間

社穀京斗五千七百零四石五升七合五勺

嘉慶十四年知縣劉毓燠按糧派捐

監獄 儀門右男監三間傍女監一所外監廚房一間週圍牆高一丈八尺厚五尺乾隆六年知縣李

營山縣志

榕重修

養濟院 舊在東門內廢今在北門外嘉慶八年署知縣戴三錫捐廉重修

育嬰堂 在捕廳左舊為行臺頽甚同治九年知縣翁道均改建

形勢

南擁翠屏西踞銅鼓蓉山東列蓬嶺北橫 載通志

重山鎖鑰曾經巴達之衝孤城彈丸實扼蓬果之

要

前擁翠屏後據雲鳳芙蓉拱左太白揖右雙蓬九

曲競奇石牛龍馬從秀 古碑

卷之二 輿地 公署 十一